



ᓄᓇᓃᓴᓯ ᓅᓴᓴᓄᓄᓴᓴ ᓴᓯᓴᓴᓴᓴ ᓴᓯᓴᓴᓴᓴ

UTILITY RATES REVIEW COUNCIL OF NUNAVUT

IGLUIN AULATJUTITIGUN AKITUTILAANGINNUT KATIMAYIIT NUNAVUNMI

CONSEIL D'EXAMEN DES TAUX DES ENTREPRISES DE SERVICES DU NUNAVUT

2011

UKIUQ TAMAAT UNNIUTJUTINIQ
UUMAQUTIKKUT AKINGIT IHIVRIURNINGIT
KATIMAYIIT NUNAVUNMUT

UUMAQUTIKKUT AKINGIT IHIVRIURNINGIT KATIMAYIIT NUNAVUNMUT

UKIUQ TAMAAT UNNIUTJUTINIQ

Ukiunnganut nunguttumut March 31, 2011

Maligaliuqtiuyunut Nunavunmi Maligaliurvikmi:

Quviahuktumik tuniyara Ukiup Tamaat Unniutjutininganik uuminnga Nunavut Uumaqutikkut Akingit Ihivriurningit Katimayiit tatqirhiutip ukiunnga nunguttumi March 31, 2011.

Sainiutigiyaanit

Nangariyauyuq James Arreak
Minister Munariniqaqtuq
Uumaqutikkut Akingit Ihivriurningit
Katimayiit

Nangariyauyuq James Arreak
Ministauyuq Munariniqaqtuq Umaqutikkut Akingit Ihivriurningit Katimayiit
Nunavunmut

Haluu Ministauyuq:

Quviahuktunnga tunigiami Ukiup Tamaat Unniutjutininnganik Umaqutikkut
Akingit Ihivriurningit Katimayiit Nunavunmut tatqirhiutip ukiunnga
nunguttumi March 31, 2010.

Pittiaqtumik tuniyaa,



Raymond Mercer
Ikhivautalik, Umaqutikkut Akingit Ihivriurningit Katimayiit
Nunavunmut

Uumaqutikkut Akingit Ihivriurningit Katimayiit

1. HAVAQUTAA

Tamna *Uumaqutikkut Akingit Ihivriurningit Katimayiit Maliganga* (Maligaq), piliurhimayuq upinngakhami 2001, aallanguqtirutiqarhunilu auyami 2010mi, akhuurninnga tuniyaa URRC-kunnut pipkaitjutigiami uqautjiutiniqmik Ministanut akikhanganut taaksiliqininnganiklu atukkiqtauyukhaq tikkuaqtauhimayunit pauwatuutingit aallatlu ihumaalutigiyayut apirhiqtauyut Ministamit Munariniqaqtuq URRC-kunnit.

Maligami, tikkuaqtauhimayuq pauwatit naunaiyarhimayuq imaatut; *a uumaqutikkut atlatqiinikluuniit uumaqutingit tikkuaqtauhimayut maligakhami:*

Uumaqut naunairhimayuq uuminnga:

Kitulliqaaq tuniyuq hunavaluknik ikayuutiniklu inuknut:

- (a) Kuapuriisiuyuq nanminiriyauyuq munariyauyuqluuniit Nunavut Kavamatkunnit, talvuuna una Maligaq piyuq maligaliurhimayumit maligaqmilluuniit piliurhimayuq titiraqhimayumi 20(1)(a):*
- (b) Havakvinga titiqqivivingaluuniit Nunavut Kavamaup talvuunga una Maligaq piyuq maligaliqinikkut maligaliurniqmuluuniit piliurhimayuq titiraqhimayumi 20(1)(a):*
- (c) Inuk timiqutigiyayuqluuniit naunaiqhimanngittuq titiraqhimayumi (a) uumaniluuniit (b) talvuunauna Maligaq piyuq Act maligaliurhimayumit maligaqmilluuniit piliurhimayuq titiraqhimayumi 20(1)(a)*

Qulliq Alruyaqtuqtunik Ikummajutiit akhuurutaukmat Nunavunmi Qulliliqiyikkut, Tikkuqaqtauhimayukhat Aulatjuutinginnut, piinarialik URRC-mut ukunuuna Uumaqutikkut Akingit Ihivriurningit Katimayiit Maliganganit.

2. HUUQ

Huuqtauq pinahuaqtut Ihivriunniq Katimayiingit naunairhimayumi ilangani 7 uumannga URRC Maligananit:

Pinahuaqtangit Ihivriunniq Katimayiingit hapkuninnga piyukhat:

- (a) *naunaipkarlugu Munariniqaqtuq Ministanga tikkuqaqtauhimayumik uumaqutikkut umuuna ayurhautinginnik akingit taaksiliqininngillu pitqutivlugu titiraqhimayut 11mit 18mut.*
- (b) *naunaipkarlugu Munariniqaqtuq Ministanga uumaqutikkut tikkuqaqtauhimanngittumit uumaqutikkut piqaqtut apirhuutinik tamna Munariniqaqtuq Ministanga uqaqtuq ihumaalutigiyauyunut akingit, taaksiliqininngit akingitlu tunngavikhangit,*
- (c) *naunaipkarlugu Munariniqaqtuq Ministanga uumaqutikkut ihumaalutigiyauyut hunavaluknit piyut uumunnga uumaqutikkut pitquyauhimayut Munariniqaqtuq Ministanga pitqutiyumit Atannguyauyunit Katimayiinginnit,*
- (d) *naunaipkarlugu Ministangat ihumaalutigiyauyut hunavaluknitpiyut atukkiutinginnit pitjutinginnut hunavaluknik ikayuutiniklu piyut talvunnga Ministamit pitqutiyut Atannguyauyut Katimayiinginnit,*
- (e) *naunaipkarlugu Munariniqaqtuq Ministanga uvunga Qulliq Alruyaqtuqtunik Ikummajutiit, mighaagut uuktuutini angirutighanik angiyunut havaktauyughanut ataani ilangani 18.1 uvani Qulliq Alruyaqtuqtunik Ikummajutiit Maligaqmi.*

3. TIMIQTIGIYAUYUT

Ihivriunniq Katimayiingit piqaqtut pingahunik ilaani ilauyut tikkuqaqtauhimayut katimayiuyut pingahunik ukiunik katimayukhanik, nutqaqtullu July 31, 2010mi. *Munariniqaqtuq Ministanga* URRC-kunnut tikkuqaqtauq ilauyukhanik Katimayiuyuni tikkuqaqhunilu atahiqmik ilauyukhamik uumani Ihivriunniq Katimayiingit Ikhivautaliuyukhaq. June 2010mi Minista Munariyalik URRC-kunnut tikkuaffaarhimayait pingahuit katimayitik imaatut:

Uumaqutikkut Akingit Ihivriurningit Katimayiit Nunavunmi 2010-2011 Ukiup Tamaat Unniutjutininganik Taiguagakhaq

Raymond Mercer
 Vivienne Aknavigak
 Gordon Rennie

Ikhivautalik
 Katimayiuyuq
 Katimayiuyuq

Aallanguqtirutiit uvunga URRC-kut Maligaqmut angiqtauhimayut maligaliuqvikmit Saptaiipa 2010mi taimaatut amigaiqtiyuummigtaitait katimayiit atauttikku tallimangurhutik. Munariyalik Minista URRC-kunnut taimaalu tikkhuaqhimayuq malruuknik nutaanik katimayighanik tikkuaqhimayuqlu tuklikhamik ikhivautakhamik katimayinit. Tallimat katimayiit havagutighaqaqtut pingahunik ukiunik. Tatja URRC-kunni katimayit hapkuat :

Raymond Mercer
 Vivienne Aknavigak
 Gordon Rennie
 Louie Qingnatuq
 Graham Lock

Ikhivautalik
 Tuklik Ikhivautalik
 Katimayiuyuq
 Katimayuiyuq
 Katimayiuyuq

Taimaalu, Minista URRC-kunni, tukhirutaani katimayiinnit, tikkuaqtaaqtuq, ilaulutik katimayinut tikkuaqtauhimayut ataani llangani (1) amigaitqiyauhimaittumik malruuknik katimayuillaktughayunik uvani Ihivriuqtiit Katimayiinnit havaktughaq naunaiyarhimayumut ihumagiyaunirmut havaktaghaat Ihivriuqtiit Katimayiinnit taimaalu naunaiyaqtaaqtaait qanuqtut hivitunighait havaktaighaillu katimayiullaktughayuni.

Aallanguqtirniit uvunga URRC Maligaqmut Saptaiipa 2010mi aallanguqtiriyuqlu titiraqtiup havaanganut uvani Ihivriuqtiit Katimayiinni.

Titiraqtiup havaanga piiqtauhimayuq maligaqmit himmauhirhimaplunilu tukimuaqtikkut havaaghamit.

Ataani Ilangani 3 (9) atuquyauyuni, Ihivriuqtiit Katimayiit tikkuqaqtaqtuq tukimuaqtighamik ihuarhaqtaqtaillu hivitunighait hilitjutighaillu tikkuqaqtaunirmi. Aktuupa 2010mi, Laurie-Anne White angirhimayaa atauhiuyumi ukiumi havaatigut nuutiruti tukimuaqtuilirhuni URRC-kunni havaktaillu havaktauyughat naunaiyarhimayut uvani URRC-mi Maligaqmik aallanguqtirhimaplutik.

Mr. Raj Retnanandan havaktihimayuq kaantraliqinirmi titiraqhimayumi Ilangani 8(1)(b) URRC Maliganganit uqautjiupluni URRC-kunnut. Mr. Retnanandan URRC-kunnunngaqtuq hivituyumik ilihimagami ayuinnamilu aulapkainikkut munarinikkut maligaliqinirmut uqautjiuluni.

Mr. John Donihee havaktihimayuq titiraqhimayumi Ilangani 8(1)(b) URRC Maliganganit Maligatigut Havaktiupluni URRC-kunnut. Mr. Donihee URRC-kunnunngaqtuq hivituyumik ilihimakmat ayuinmallu aulapkainikkut maligaliqiniqmut unalu maligaliqiniqmut uqautjiuluni.

4. MANIIT ATURUTIGHAA

2010-2011mi Ihivriuqtiit Katimayiit aulapkainikkut havaktauyughanilu maniit aturutighaa imaa ittuq \$736,900. Ihivriuqtiit Katimayiit avatqungitaa maniit aturutighamiknik ukiumut.

5. NAITTUT UVANI 2010-2011 PITQUYAUHIMATJUTINI:

Hapkuat putquyauhimayut piliuqtauhimayut ihumagiplugit angiyumut havaktauyughamut laisighakkut uutuutikkut nuutaanguqtirumanikkut Iqalungni pauqaliqinikkut pitjutaani uvanga 5KV uvanga 25 KV ukunanga Qulliq Alryaqtuqtunik Ikummajutiit - Unniutingani 2010-03.

Qulliq Alryaqtuqtunik Ikummajutiit (QEC), tikkuqaqtauhimapluni pauwatuutiliqiyiupluni, pitquyauhimayuq malighugu Ilanga 18.1 uvani Qulliq Alryaqtuqtunik Ikummajutiit Maligaqmi (QEC Maligaq), piyughaq angirutimit munariyalikmit Ministamit hivuagut

**Umaqutikkut Akingit Ihivriurningit Katimayiit Nunavunmi 2010-2011 Ukiup
Tamaat Unniutjutininganik Taiguagakhaq**

havaliqtinnagu angiyumik akituyumi havaktauyughami. Uvuuna, Ilanga 18.1 uvani QEC
Maligaqmi, pitjutiquaqtuq imaatut:

"Tukihitjuti

(1) uvani ilangani, "angiyuq akituyuq havaktauyughaq" piyuruuq akituyuq havaktauyughaq tamaat atauttikku akitutillaqqatuq avatquthugu \$5,000,000.

Angiyuq akituyuq havaktauyughaq

(2) Kuapuriisitkut piyughaungittuq, pipkaiyughaungittuqlu naliinni havakvigiyamiknik havaktirilugit, angiyuni akituyuni havaktauyughanik pihimangitkumi hivuagut Ministamit pitquitjutimik angirutimik havaktauyughamut.

Minista qinirhiattaatuq uqautjutinik

(3) Kiutinnagu uaktuutimut angirutikkut piliiqtauhimayuq ataani iluani-ilauyumi (2), Minista qinirhiattaatuq uqautjutainnik Uumaqutikkut Akingit Ihivriurningit Katimayiinnit piliiqtauhimayut ataani *Uumaqutikkut Akingit Ihivriurningit Katimayiit Maligaqmi*.

Kuapuriisitkut tuniyughat illituripkaitjutinik

(4) Kuapuriisitkut tuniyaghaa Minista ukuallu Uumaqutikkut Akingit Ihivriurningit Katimayiit illituripkaitjutinik pihimayaghanik Minista ihumaliuriangani angiruti tuniyaangaangani.

Qanuqtut Minista huliyaatuq

(5) Minista imailiuqtaatuq

(a) tuniyaaqtuq angirutimik havaknikkut angiyumi akituyumik havaktauyughamik, piqarluni piqangilluniluunniit qanuriliurutighanik; imaaluunniit

(b) qingihimalugu.

Pitquitjuti

(6) Angiruti tunihiyauhimayuq Ministamit ataani titiraqhimayumi (5)(a) pihimaniaqtuq imaatut pitquitjutiuluni."

Malikhugit hapkuat qulaaniittut URRC-kut pitquiyut:

1. Ihumagiplugit hapkuat ihumagiyauyut, URRC-kut pitquiyut taapkuat angiyut akitutyut havaktauyughat laisighaq angiqtaunikkut tuniyauyughat uvunga

Uumaqutikkut Akingit Ihivriurningit Katimayiit Nunavunmi 2010-2011 Ukiup Tamaat Unniutjutininganik Taiguagakhaq

nutaanguqtirnikkut uvani Iqalungni pauqaliqitjutaanut uvanga pauwaqaqnikkut inninganit uvanga 5 kV uvunga 25 kV.

2. URRC pitquyaa QEC-kut havaqatigitkuplugit nunallaat hulaqutihimayullu akiliqtuivaktut miitiqatigipquplugit upalungaiyarnikkut himmiqtiriama nutaamut pauwatuutighamut hulaqutilluangittaangani akiliqtuuiyinu imaalu nuutiriangani nakuuyjmik nutaamut pauwatuqtuutiliqitjutimut

Hapkuat putquyahimayut piliuqtauhimayut ihumagiplugit akitutlaangit mighaagut Uukturutimi Urhuryuani Akighanut Ikayuutimi Aktuupa 2010mi ukunanga Qulliq Alruyaqtuqtunik Ikummajutiit - Unniutingani 2010-04:

Qulliq Alruyaqtuqtunik Ikummajutiit (QEC), tikkuqaqtauhimapluni pauwatuutiuyuq, pitquyahimayuuq maligkhugut Ilanga 12 (1) uvani Uumaqutikkut Akingit Ihivriurningit Katimayiit Maliganga (Maligaq), piyumapluni angirutimik munariyalikmit Ministamit hivuagut pipkaqtiqtinnagit akingit taaksiliqininginlu. Munariyalik Minista piyughauyuqu maliklugu Ilanga 12 (2) Maligaqmi, piyumaluni unniutjutinik Uumaqutikkut Akingit Ihivriurningit Katimayiit (URRC) uumani uumaqutikkut tukhirutaani pipkaqtipkainikkut akinginnik taaksiliqininginniklu.

Titiiqhihmanikkut upluqaqtumik Aktuupa 4, 2010 QEC-kut uuktuqtut Ministamut munariyalik QEC-kunnik tukhirhulik angirutimik uumunga Urhuryuani Akighanut Ikayuutimik (FSR) imaatut 4.68 sanik atauhirmut kWh, uvanga Aktuupa 1, 2010mit uvunga March 31, 2011mut. Taamna tatja atuqtauuyuq FSR imaatut 4.68 sanik atauhirmut kWh angiqtauhimavaktuuq Ministamit kinguani URRC Unniutjutingani 2010-02 ukununga Januali 1, 2010mit uvunga Saptaiipa 30, 2010mut.

Titiiqhihmanikkut upluqaqtumik Aktuupa 4, 2010 Minista tukhiqtuuq uqautjinirmik ukunanga URRC-kunnit mighaarut Uuktuutikkut.

Malikhugit hapkaut qulaaniittut URRC-kut pitquiuyut:

1. Ilangani 13 (1) Maligami imaatut titiraqhimayuq:

Tamna Ihivriuqningit Katimayiingit, qaangiqtinnagu 90 ublungit pigumitku munariyuq Minista apirhiyuq ikayurumayauyumik titiraqhimayumi Ilangani 12, uqaqniaqqut munariyumut Ministamut pitquyamiknik ukunanik:

- a) ayurhautigiyautingit akigilluaqtakhanginnik akingalu pittaaqtukhaugaluq,
- b) ayurhautigiyautingit akigilluaqtakhanginnik akingalu piyakhaunngittuq, unaluuniit
- c) atla akigilluaqtakhaa akingaluuniit naunaiqhimayuq the Ihivriuqningit Katimayiingit pitquyaukhaugaluq

Angirutigiami hamna qulaani ittut URRC-kut pitquyaata urhuquyamik furhuquyat akiinnut aulannaitkutauningit 4.68 cents-mik atauhiqmut KWh angiqtauyukhaq QEC-kunnut, Aktuupa 1mit, 2010 Maatsi 31mut, 2011.

2. URRC pitquyaallu QEC maliktukhat naittunik pitquyauhimagunik naunairhimayumi Ilangani 5 uuma taiguami.

Hapkuat atuqtauyukhat piliurhimayut pitqutiquplugu akingit piyut Uuktuutimut Akiluanganut Uuktuut Ilangani I Aktuupa 2010 by Qulliq Alruyaqtuqtunik Ikummajjutiit – Taiguagakhaqmi 2011-01

Titiraqhimayamikni Aktuupa 4mi, 2010, QEC apirhuqtut ukuninnga angiqtauyunik:

Akilluanga Himmautingit: QEC apirhiyut Akilluangit piffaariamikni maniliurutikhat ihariagininninganik \$101.173 milliat taalamik naunairhimayut Naunaitkutaliurhimayuni 1.1.1 uumunnga 1.1.5 Uuktuutimi. Itqurninnga maniliurutingit atuqtauyuni akingni \$76.282 milliat taalamik unalu maniliurutikhat mikhiyuumirninnga atuqtauhimagunik

Uumaqutikkut Akingit Ihivriurningit Katimayiit Nunavunmi 2010-2011 Ukiup Tamaat Unniutjutininganik Taiguagakhaq

nampaa ittuq \$22.745 milliat taalamik. Una himmautigiyuq angikliyuumiutinganut aulapkaininganik nampanganut 31.27pusantmik.

Ukiumi atauhiqmi maniliurutikhat ilanganit FSR umannga \$4.68¢/kWh ihumagiyaukpat maniliurutikhanut, tamna maniliurutikhat mikhiyuumirninnga atuqtauhimayut nampanginnik ikikliyuumirumik \$15.478 milliat taalamik. Una piyuq atuqtauninganut aulapkaininnga nampanganik angikliyuumiqtuq 19.3pusantmik. Itqurhiqningna QEC-kut apiriyanganik nampanganik angikliyuumiutigiyuq naunairhimayuq uumani naunaitkutaani:

QEC 2010/11 GRA Angikliyuumiqtuq		\$000
1	Maniliurutikhat Piyakhangit Naunaitkutinga3.1	101173
2	Niuviqtauhimayut Maniliurutikhat Naunaitkutaq 2.1	76282
3	Calculation of Revenue Mikhihimayut Atuqtauyumik Akinganik 46	
4	Atauttimut Maniliurutikhat	78428
5	Maniliurutikhat Mikhihimayut Atuqtauyumik Tunngavinga akinganik 2747k	12747
6	Urhuqyuamut Aulannaitkutangit Maniliurutikhat (Atauhiqmi ukiup 726)(155283 MWh*.0468)	726
7	Ilakunnga Maniliurutikhat Mikhihimayut Urhuqyuap Aulanaitkutangit 15478	15478
Naunaiyainiq Pusantngnanik Angikliyuumiqtuq Ikummatjutingit Maniliuritikhanganit		
8	Niuvrutauyut Maniliurutikhat Naunaitkutaq 2.1	76282
9	Ikiklininnga: Maniliurutikhat Atukkirumayunit Inuillu Atugantit-3545	
10	Ilaliutihimayut: FSR Maniliurutikhat	7267
11	Ikummatutit Maniliurutikhat ATuqtauhimayunit Akingit Ukuall 80884	80884
12	Ilakungit Maniliurutikhat Mikhihimayut Urhuqyuap Aulanaitkutangit 15478	15478
13	Pusantnga Angikliyuumiqtuq Ikummatjutiit Maniliurutikhat Apiriyut QEC-kunnit	9.7
14	Nampanganiq Tatjakaffukmi ANgikliyuumiutikhaq (50% titiraqhaq 13mi)	9.7

QEC apirivaktullu angirutikhanginnik ukununnga:

Akigillaktaa tatja: QEC apirivaktut Tatjakaffuk angikliyuumiqtukhaq Akinginni akiliutigiami 50pusantmik uumannga \$15.478 milliat taalamik maniliurutikhat mikhiyuumirninga. Una piyuq uumunnga Tatjakaffuk angikliyuumiqtukhaq akinginnik 9.7pusantmik

Qaangirhimayut akiligakhait Aulannaitkutauningit. QEC naunairhimayaa, talvannga munariniqaqtup Ministap ihivriurutingit angirutingillu Akilluangit, QEC apiriniaqtuq angirutinik uumannga qaangirhimayut akiligakhait Aulannaitkutauningit piliurhimayuq katitiriami atukkat pihimayut 2010/11 Akilluanga aallanguqtiriningit piliurhimangittumut tammaannut 2010/11 ukiunnganut. QEC naunaiqtaa angiqtaukmata Akilluanga Himmautingit, QEC tuniniaqtaa munariyumut Minista angirutihimayumik tutquqtirininninganik naunaiqhimayuq naunaiyaqtamiknik uumannga qaangirhimayut akiligakhainnik, nuutiriyut ukunangga Urhuquyat Akiinnut Aulannaitkutauningit Manikhangit unalu qaangirhimayut akiligakhait atukkanganut piinarialik tukhiutiniklu umunnga qaangirhimayut akiligakhait Aulannaitkutauningit atugaq manik pigiami.

Malikhugit hapkaut qulaaniittut URRC-kut pitquiyut:

Hapkuat pitquyauyut piliurhimayut Munariniqaqtumut Ministanganut:

URRC-kut naunaiyaqtakhaat Nunavut Kavamatkut piqaqtuq tunngaviqaqtuq for naamaktunik uqariamikni Kanatap Kavamanganut naunaiqhimayumik paqigiami kiinauyaliqinirmut ikayuutikhanganik ihuarhigiami angikliyuumiriamilu QEC-kut piqutiliurninnganut. URRC pitquyaa GN-kut, atayumik pigiamikni QEC-kunnut, NTI-kulluuniit, ihumalugu una piliurniq kiugiami ilanginnik aittuutiliqinirmut ihumaalutigiyauyut ayurhautigiyuq nutaamut aulapkaitjutikhangit piyakhangit QEC-kut.

Naunaiqhimaluni QEC naunaiyanngitaat akilluanganik uuktuutinga qakugunnguraangat, pilihaaliqtinnagit uuktuutingani ukiup, pitquyauhimayuq maligaliqitigut, naunaiqhimalugulu 2010/11 uuktuutinga ukiunga umikyuqiliqtuq, URRC ihumagiyut maniliurutikhat piffaaqtangit nutaanit Akilluanginnit, tamna nutaaq FSR angiqhimayuqlu Tatjakaffuk Akingit kingulliqaanguliuhimayukhaugaluq talvunnga ukiumut. Qangarnitat akiliqunahuarniit 2010/11 qaangirhimayut akiligakhait, umunngalu ayuqhautiuq angikliyuumiqtukhaq Akingit April 1nguqqat, 2011, umunnga 2011/12

**Uumaqutikkut Akingit Ihivriurningit Katimayiit Nunavunmi 2010-2011 Ukiup
Tamaat Unniutjutininganik Taiguagakhaq**

ukiunnganut, pipkaitjutiniaqtuq amihumik nampanganik arligilirniq nutaamut alruyaqtuqtunik atuqtunut. Talvuuna, URRC-kut pitquyut maniliurutikhat mikhiyuumirninnga in 2010/11 piyut nutqaqtirininninganut iniqtirininninganut nampanganik angikliyuumiutigiyuq piyukhangit GN-kunnit, QEC-kunnilluanguittumik pauwaqtuutinganik atuqtut.

URRC pipkaiquyait QEC munarigiami FSR avaliittumik manik piffaariamiknik angiqninnganit kingulliqpaanganit akingit uumunnga 2010/11 maliklugu Ilangani II pipkaitjutingit. Talvuunalu, URRC pitquyaat 6pusantmik Tatjakaffuk angikliyuumiqtukhaq iliuraiyakhaq nutaamut tunngavinganik aulapkaininnga akingit unalu tunngavinga ikummatjutiup akinga ihumagiyauyuq angikliyuumiqtukhaqd atlamik 4.5pusantmik April 1mi,

2011, ilaukmat Ilangani tunngavinga aulapkaivinganit nampanganik angikliyuumiutigiyuq. Uumani ukiunngani 2012/13, URRC pitquyaat tamna 2011/12 tunngavinga aulapkaininnganik Akingit, naunaiqhimayuq hamna qaangani, angikliyuumiqtukhaq atlamik 4.43pusantmik, April 1nguqqat, 2012mi. Nampanganik naunaiyainiq naunaiyaininnganik angikliyuumiqtukhaq April 1nguqqat, 2012mi, naunaiqhimayuq Naunarvingani 1.

Ayurhautipkainnaittumik pauwamik atuqtunut, URRC-kut pitquyaat maniliurutikhat mikhiyuumirninnga uumani 2011/12 piyuq nutqaqtiinnganit iniqtirininninganit nampanganik angikliyuumiutigiyut piyuq uumunnga naunaiyaininnga ukunannga angikliyuumiutigiyut pifaaqtakhat GN-kunnit, QEC-kunngittunit pauwaqtuutinganik atuqtut.

URRC pitquyaat QEC maliquyauniaqtut maliktakhangit titiraqhimayut uumani Taiguagakhaqmi naunaiqhimayullu uumani Ilangani 13.

Hapkuat pitquyauyut piliurhimayut ihumagiquplugu Akituyut piliriyaayunik Havaakhat Uuktuutit ihumagiquplugu Iqaluit Ikummatjutigilluaqtanga piliurhimayuq ukunangga QEC Taiguagakhaqmi 2011-02:

Qulliq Alruyaqtuqtunik Ikummajjutiit (QEC), tikkuaqtauhimayumik uumaqtiuyut, ihariagiyaayuq titiraqhimayumi Ilangani 18.1 uumannga Qulliq Alruyaqtuqtunik Ikummajjutiit Maliganganit (QEC Maligaa), qinirhiagiami angiqtukhanik munariyumit Ministamit havaaritinnagu akituyunik piliriyaayunik havaakhat. Talvuuna, Ilangani 18.1 umani QEC Maliganga pipkaitjutiyuq ukunanik:

Pitjutinga

(1) Uumani Ilangani, "Angiyunik piliriyaayunik havaakhat" imaatut ittuq piliriyaayunik havaakhat atauttimut akiqaqtuq avatqumayuq \$5,000,000 taalamik.

Angiyunik piliriyaayunik havaakhat

(2) Kuapuriisinga pilimaitaa, pipkailuniluuniit havakvigiyangit pipkaipitlugik, akituyunik piliriyaayunik havaakhat kihimi pigumi pitinnagu Ministamut pitquyauyumik angiqtaurutikhanganik havauhikhamut.

Minista apirittaaqtuq ikayuqtautikhamik

(3) Kiutinnagu uuktuutiyaayumut pitqugiami piliurhimayuq titiraqhimaninngani (2), Minista apirittaaqtuq ikayuqtautikhaminik uumannga Utility Akingit Ihivriuqningit Katimayiingit piliurhimayuq umani *Uumaqutikkut Akingit Ihivriuqningit Katimayiingit Maliganganit*.

Kuapuriisingat tuniyukhaq naunaitkutanik

(4) Kuapuriisinga tuniniaqtuq Ministamut Uumaqutikkut Akingit Ihivriurningit Katimayiingit naunaitkutanik piinarialeqihimayuq Ministamut ihumaliuriami pitquyautjutimik tuniyukhamik.

Minista hulittaaqtuq

(5) Ministauyuq ukuninnga piinarialik
 (a) pitqutaaqtuq havaarigiami Angiyunik piliriyaayunik havaakhat, piqarluni piitkaluarluniluuniit pitquyauhimayunik; unaluuniit

Uumaqutikkut Akingit Ihivriurningit Katimayiit Nunavunmi 2010-2011 Ukiup Tamaat Unniutjutininganik Taiguagakhaq

(b) qinngittaaqtaa pitquyautjutinik.

Pitqutjutinik

(6) Pitquyauyut angiqtauhimayuq Ministamit titiraqhimayumi (5mi)(a) inniaqtuq pitqutjutimik."

Nuvaipa mi8, 2010 QEC uktuqtut Munariniqaqtumut Ministamut angrutikhamik havauhikhamut laisikhanganik Iqalungmut ikummatjutilluanganut nutaanguqtiriami aktikulaanganiklu angikliyuumiqtukhaq. QEC naunaiyaqtaa hivulliqaanga manikhaq havauhikhamut ittuq \$29.7 milliat taalamik. Una akinga itqurhiqninnga qakugunngurmat allanguqtitauyuq \$28.2 milliat taalamik uumani URRC QEC 4c.

Titiraqhimayumik titiraqhimayuq Nuvaipa 9mi, 2010 Munariniqaqtumut Ministamit, talvanna, apiriyuq ikayuutikhanganik URRC-kunnit pitqutivlugu umunnga QEC-kut Uuktuutinganik.

Malikhugit hapkaut qulaaniittut URRC-kut pitquiuyut:

1. Ihumagivlugit havaktauliqtuq, tamna URRC pitquyaak akituyunik piliriyaayunik havaakhat laisinga angiqtauyukhaq Iqalungmut pauwaquutinga ihuarhiyakhaq aktikulaanganiklu angikliyuumiqtukhaq.

6. KANATAMIUTAT KATIMAYIIT ILAUYUT UUMAQUTIKKUT IHUARHAIYIIT (qablunaatitit naittumik CAMPUT-mik taiyauyuq)

URRC-kut katimahimmaaqtut CAMPUT 2010mit-2011mut. Ilauninga CAMPUT piliurhimayut tamainnit Katimayiinginnit Katimayiillu 10nit qablunaat avikturhimaninnganik Kitikmeonmit, Kivalliqlit, Qikiqtaalukmillu unalu Kanatami Ikummatjutiit Katimayiinginnit. CAMPUT pipkaiyullu qaffiuyunik piqaqtut apirhuyiiniq Katimayiingit CAMPUT-kunnut katimayut, tikinnahuarutihimmaartugiyangit ihuarhigiami tamaita atlatqiinguyut maligat Kanatami. Iluittuq naunaitkutaq atinginnik CAMPUT Ilauyut takunnaqtuq nungu taiguaruirukni Uuma Taiguagakhaqmi.

Ikhivautalik, atauhiq katimayiuyuq Titiraqtingalu URRC-kunnut katimayut CAMPUT Ukiup Tamaat Unniutjutininnganik Ilihaitjutiuyut Katimavik ilaliutiylugu Katimayiit iliharhimmaaruviikhanganik. Uumani ukiumi katimayut Montreal Quebec-mi May 2 mit 5mut, 2010. Tamna katimatjut atauttimuurutiyut uuktuutiniq, Ikummatjutingit Kanatamit, Amialikamit Mexico-millu uqariamikniq ayurhautigiyanginnik alruyaqtuliqinirmut kaasiliimullu. Una naunaittiarutauvaktuq inugiakhivaktuq katimaliraangata; ilauyukhat uuktuutiniq, Ikummatjutingit havakingillu ilaugini.

URRC ilauyuqulu CAMPUT Ukiup Tamaat Unniutjutininnganik Katimatillugik (AGM) Aagasi 2010. Una katimatjut atauttimuqtitaat katimayiuyut Katimayiingit tamainnit Kanatamit uqariamikniq hulilukaarninnganik ihumaalutigiyamikniq ayurhautigiyaat

**Uumaqutikkut Akingit Ihivriurningit Katimayiit Nunavunmi 2010-2011 Ukiup
Tamaat Unniutjutininnganik Taiguagakhaq**

nunamikni. Katimaqatauyut qaiyut tamainnit Katimayiinginnit katimatillugik Whitehorse, Yukon. Tamna URRC naunaipkaiyuq Ikhivautalikmit.

URRC akhuraaluk ilauhimmaaqtut atlatqiini katimayiini CAMPUT-mi. Raymond Mercer havakhimmaaqtuq Ikhivautalgit Maligangat Katimayiinni pipkaitjutiyuq CAMPUT-mut Angiyunik maligaliqinirmut ihumaalutigiyauyut nipiuplunilu kanatami timiqutigiyanginnut uqarahualiraangata uumunnga F/P/T Ministauyut Ikummatjutinginnut. Ilauqatauyuqlu Munaqtiuyut Katimayiinginnut uumunnga 2011 CAMPUT Ilihapkaiyut Katimayiinginnut Vancouver B.C-mi. Una katimayut piliuqpagaat katimatjutikhanginnik, pihimaplugu munaqtiuyut uqaqtukhallu katimaviani. Takulugu *Naunarvingani I* atiinik naunaitkutaanik CAMPUT-mi katimayut katimayiingillu.

7. NIRIUQNIQ 2011MIT-2012MUT

Tamna Himmautingit piliurhimayuq URRC Maliganganut Saptaiqa 2010mi nakuuyumik upalungaiyariami uumunnga 2010-2011 Akilluanganik uuktuutinga Ilangani I unalu Ilangani II ilaliutihimayut amihunut Akituyunik piliriyaayunik havaakhat Uuktuutit.

Ilangani I uuma QEC-kut Akilluanganik uuktuutinga Maniliurutikhat Piyakhangit Uuktuutimut ukiunnganut 2010-2011 iniqtuq. Talvuuna, ihumagiyaayuq nungutpat Aagasi atulihaaliqqalluuniit Saptaiqa, QEC uuktuqniaqquq uuminnga Akilluanganik uuktuutinga umunnga Ilangani II piqaqtuq akikhanganic tunngavikhaanic qanuraaluklu piyukhaq qanuriliurninnganullu havaanut ihumaalutigiyauyut.

Pingahuuyut angiyut havauhikhaq laisiutimik uuktuqtakhaq piyauyut Maatsi 18mi 2011 nappariami pingahuuyut nutaat urhuquyat pauwaquutikhangit Kinngaitmi, Qikiqtarjuaq, Taloyoamilu. Naunaitkutangit tamarmiknut naunaiqhimayuq hamna qulaani.

**Uumaqutikkut Akingit Ihivriurningit Katimayiit Nunavunmi 2010-2011 Ukiup
 Tamaat Unniutjutininganik Taiguagakhaq**

1. Titiraqhimayumi Maatsi 18mi, 2011 tamna Minista Munariniqaqtuq umunnga Qulliq Alruyaqtuqtunik Ikummajjutiit, Nangariyauyuq Lorne Kusugak, apiriyuq URRC-kut ihivriuqtakhaat pitquyukhallu QEC-kut Uuktuutikhanganik akituyunik piliriyauyunik havaakhat laisikhamik uuktuutimik himmiqtakhaat tamna Qikiqtarjuaq pauwaqtuutinga. Uuktuutimi, QEC naunaiqtaa akikhaa inniaqtuq 7.7 milliat taalamik iniqtiriami tamna havaakhaq. Tamna URRC-kut piniqtaa tamna mikiyumik uuktuutikhamik titiraqhimayumi uumani ilangani 13 Ilagiyangani 1.1 URRC Maligangani. Taimaa URRC 90nik ublunik uqariamikni utiffaaqtukhaq Ministamut. Tamna uqaqtukhaq Minista Munariniqaqtuqmut QEC-kunnut piyakhaa talvani June 15nguqtinnaguluuniit, 2011.
2. 3. Titiraqhimayumi Maatsi 18mi, 2011 tamna Minista Munariniqaqtuq umunnga Qulliq Alruyaqtuqtunik Ikummajjutiit, Nangariyauyuq Lorne Kusugak, apiriyuq URRC-kut ihivriuqtakhaat pitquyukhallu QEC-kut Uuktuutikhanganik akituyunik piliriyauyunik havaakhat laisikhamik uuktuutimik himmiqtakhaat tamna Kinngait pauwatuutinga. Uuktuutimi, QEC naunaiqtaa akikhaa inniaqtuq 12.6 milliat taalamik iniqtiriami tamna havaakhaq Tamna URRC-kut piniqtaa tamna mikiyumik uuktuutikhamik titiraqhimayumi uumani ilangani 13 Ilagiyangani 1.1 URRC Maligangani. Taimaa URRC 90nik ublunik uqariamikni utiffaaqtukhaq Ministamut. Tamna uqaqtukhaq Minista Munariniqaqtuqmut QEC-kunnut piyakhaa talvani June 15nguqtinnaguluuniit, 2011.
3. Titiraqhimayumi Maatsi 18mi, 2011 tamna Minista Munariniqaqtuq umunnga Qulliq Alruyaqtuqtunik Ikummajjutiit, Nangariyauyuq Lorne Kusugak, apiriyuq URRC-kut ihivriuqtakhaat pitquyukhallu QEC-kut Uuktuutikhanganik uumunga akituyunik piliriyauyunik havaakhat laisikhamik uuktuutimik himmiqtakhaat tamna Taloyoap pauwatuutinga. Uuktuutimi, QEC naunaiqtaa akikhaa inniaqtuq 10.8 milliat taalamik iniqtiriami tamna havaakhaq. Tamna URRC-kut piniqtaa tamna

mikiyumik uaktuutikhamik titiraqhimayumi uumani langani 13 Ilagiyangani 1.1 URRC Maligangani. Taimaa URRC 90nik ublunik uqariamikni utiffaaqtukhaq Ministamut. Tamna Taiguagakhaqmi Ministamut Munariniqaqtuq QEC-mik piyukhaq talvani June 15nguqtinnaguluuniit, 2011.

Kingulliqpaami, pitqutivlugu ukiuq nutaaq qanikliliqtuq, tamna Uumaqutikkut Akingit Ihivriuqningit Katimayiingit ihivriuhimmaaqniaqtaat maligavut pitquyaumat Ministamit. Pigiama naunaiqhimali munarininngat pitjutingit pipkaiyuq tamainnut Nunavunmiutanut QEC-kullu taimaa piyukhaq.

**PITQUTIVLUGU NUNAVUT ALRUYAQTUQTUNIK AKINGIT
IHIVRIUQNINGIT KATIMAYIINGIT**



TITIRAQHIMAYUQ March 31, 2011
Ray Mercer, Ikhivautalik

**Uumaqutikkut Akingit Ihivriurningit Katimayit Nunavunmi 2010-2011 Ukiup
Tamaat Unniutjutininganik Taiguagakhaq**

Naunairvingani I

CAMPUT Katimayiuyut

Tamna nutaaq CAMPUT ilauniq ilaliutiqaqtuq hapkuningga kanatami, qablunaat nunagiyanginni, avikturhimayunilu Katimayiingit Timiqutigiyangitlu:

Alberta Utilities Commission

British Columbia Utilities Commission

Manitoba Public Utilities Board

National Energy Board

New Brunswick Energy and Utilities Board

Newfoundland & Labrador Board of Commissioners of Public Utilities

Northwest Territories Public Utilities Board

Nova Scotia Utility and Review Board

Nunavut Utility Rates Review Council

Ontario Energy Board

Prince Edward Island - Island Regulatory and Appeals Commission

Régie de l'énergie du Québec

Saskatchewan Rate Review Panel

Yukon Utilities Board

CAMPUT Associate Members

Canadian Nuclear Safety Commission (CSNC)

Canadian Environmental Assessment Agency (CEAA)

Oil and Gas Commission (OGC), British Columbia

Energy Resources Conservation Board (ERCB), Alberta

Bureau d'audiences publiques sur l'environnement (BAPE), Québec

Canada - Nova Scotia Offshore Petroleum Board (CNSOPB)

Canada - Newfoundland and Labrador Offshore Petroleum Board (CNLOPB)

Comisión Reguladora de Energía (CRE), Mexico

Efficiency NB, New Brunswick

CAMPUT-kut Atannguyat Katimayiit:

Havaqutingit CAMPUT pipkaiyut munariyauyullu Atannguyat Katimayiit niruaqtauhimayut atauhiqmi ukiumi Katimayiit ilauqatigiikhimayunit. Katimayiit piliurhimayuq Ikhivautalikmik, Ikhivataliup Tuglia, Ikhivautaliugaluamit, Kiinauyaliqiyii, Ikhivautalik Ilinniaqtuliyikkut Katimayiingit, Ikhivautalik Munariyut Havakvimiknik Katimayiit. Tamna Atannguyat Aulapkaiyiinga CAMPUT-kunnut ikayuqpaktut Atannguyat Katimayinut munariplugulu ubluq tamaat aulapkaitjutingit Katimayiinginnit.

Aulapkaiyiuyuq: Terry Rochefort

Atia	CAMPUT Havaanga	Katimayiingit
Maurice Rodgeron	Ikhivautalik	Island Regulatory and Appeals Commission
Lise Duquette	Ikhivautaliup tuglia	Régie de l'énergie
Carolyn Dahl Rees	Kiinauyaliqiyii	Alberta Utilities Commission
Raymond Gorman, Q.C.	Ikhivautalik, Munariyuq Havaariyauyunik	New Brunswick Energy and Utilities Board
Roland George	Ikhivautalik, Ilinniaqtuliyikkunnut	National Energy Board
Cynthia Chaplin	Ikhivautaliugaluq	Ontario Energy Board